

Indhold

Qarssiarsuk	2
Ataatsimut aalajangersakkat	4
305-A1	6
305-B1	7
305-C1	8
305-D1	9
305-D2	10
305-D3 Thorhildes Kirke	11
305-D4 Kirkegården	12
305-E1 Elværket	13
305-E2 Forbrændingsanlæg	14

Qarssiarsuk

Qassiarsuk nunaqarfiuvoq pingaarnertut inuussutissarsiutigalugu savaateqarneq, 40-t 50-illu akornanni inuttussuseqarpoq Narsarsuullu akerpiaaniilluni. Qassiarsuk tassaavoq Erik Aappalaartup Brattahlidimik taagugaa. Nunaqarfik inissisimavoq Narsamiit 40 km-it missaannik ungasissusilimmi. Qassiarsuk 1924-mi savaatilimmit Otto Frederiksenimit tunngavilerneqarpoq.

Ullumikkut nunaqarfik inuiaqatigiinnguatut ingerlalluartut inissisimavoq niuertarfilik, atuarfilik, utoqqarnut inissialik, lejrskolilik, oqaluffilik allakkerivilillu. Nunaqarfimmiippot qaallunaatsiaat illorsuakuu allannungaarsimangitsut aamma qanga eskimuut nunaqarfigisimasaat. Nunaqarfimmi illukut Kujataani takornarianit takuniarneqarnerpaasarput.

Inuit illoqarnerlu

Ukiuni kingullerni 12-ni innuttaasut amerlassusii allanut naleqqiullugit allanngujaassimappot 40-50-inik inuttussuseqarami, 1.1.2016-imilu innuttaasut 44-nik amerlassuseqalersimallutik, eqqaamiuulu taamatukanneq amerlassuseqarput. Matumani naatsorsuutigineqarpoq innuttaasut amerlassusii piffissap pilersaaruteqarfiup iluani allanngujaatsuunissaat, kisiannili utoqqaanerusut amerleriaateqassaaqat – ullumikkut agguaqatigiissillugu ukioqqortussuseq kommunimi agguaqatigiissillugu qaffasinneraavoq, tassalu agguaqatigiissillugu 44-nik ukioqaramik.

Nunaqarfimmi illut amerlanersaat ilaqutariinnut ataasiakkaanut illuuppot siamasissumik inissitsitersimasut. Taakku saniatigut illuliat tassaappot pisortat illuutaat, savaasiviit sannaviillu assigiinngitsut. Piffissap ingerlanerani illut ataasiakkaat nunaqarfimmi qanoq inissitsiternerqassanersut pilersaaruteqartoqarsimangilaq, tamannalu pissutigalugu ersarissumik aqqissugaanngilaq.

Inuussutissarsiorneq

Nunaqarfiup pingaarnertut inuussutissarsiutigaa savaateqarneq, tassalu nunaqarfimmi eqqaanilu savaateqarfinni. Qassiarsummi eqqaanilu 2016-imi 17-nik savaateqarfeqarpoq, 30-t missaanik sulisullit 8.500 missaanilu amerlatigisunik savaatilit. Ukiumut savat toqoragassat 150.000 kg missaanik oqimaassusillit Qassiarsummit taassumalu eqqaanit Narsami toqoraavimmut assartorneqartarput.

Savaateqarnermik inuussutissarsiuteqarnerup saniatigut takornariartitsinermik suliaqartoqaaq. Oqaluffik qallunaatsiaallu illu assillugit sanaat, qallunaatsiaat illukuusa erseqqissarneqarnerat unnuisarfinnulu periarfissaqarluarnerup nassatarivaa takornariarpasuit aasaanerani nunaqarfik tikeraartarmassuk.

Naatsorsuutigineqarpoq takornariartitsinerup iluani suliffissat amerliartuuarumaartut, tamatumani pingaarnertut pissutaavoq Qassiarsuup oqaluttuassartaa assissaqanngitsoq ornikkuminartuuneralu. Ilimagineqarportaaq ilaatigut Qassiarsuup Kujataani UNESCO-p nunarsuarmiunut kingornussassatut nalunaarutigineqarnissaata ilagissagaa, tamatumalu takornariartitsinerup suli nukittorsarneqarnissaa nassatarissavaa.

Sunnigiffik pisortallu sullissiveqarfii


Nunaqarfimmi atuarfik 1.- 8. klassit, tassalu katillugit atuartut 20-t atuarinneqarsinnaapput. 2016-17-imi atuartut arfineq marluk allatsippot. Atuarfik 1973-imi sananeqarpoq oqunneralu peqqutigalugu 2014-imi matuneqarluni. Skolehjemmi atuarfimmu atasoq taamatutaaq oqunnera peqqutaalluni matuneqarpoq. Nutaamik atuarfiliortoqarnissaa (immaqa pisoqqap aserfallatsaaliqarneratigut) aamma piffissap pilersaarusiortiusup aallartinnerani nutaamik skolehjemmiliortoqarnissaa naatsorsuutigineqarpoq.

Nunaqarfimmi café/katersortarfik namminersortunit pigineqartoq 2016-imi atuarfittut atorneqarpoq. Kommune Illu Sullivimmik sanatitsivoq, tassanilu ilaatigut uffartoqarsinnaavoq kiisalu meqqulerisoqarsinnaalluni toqqorsiveqarlunilu. 2014-imi nunaqarfiup allaffia Illu Sullivimmu nuunneqarpoq. Aammattaaq vandrehjemmit marluk namminersortunit pigineqarput.

Qatserisarfimmi ingerlanneqarsinnaasumik qatserutaateqarpoq kajumissutsiminillu suleqataasunik qatserisartoqarluni.

Kulturi eriagisassallu



Qallunaatsiaat sanaartugaanniit aamma Thulekulturimeersut qanganitsat eqqaassutissat allangutsaaliorneqarnissaat qulakkeerneqarsimapput nunatsinni eqqissisimatitsinissamik inatsisit aqputigalugit, ilagalugu qulakkeerrinniarluni illukuniit avammut 20 meterinik killiisooqarsimavoq, immikkut akuerineqanngitsumik iluani sanaartortoqannginniassammat, naatitsisoqannginniassammat assiganiilluunniit susoqartitsisoqannginniassammat ([link](#)). Kommunip sulissutigiarpa Qassiarsuup UNESCO-p nunarsuarmiut kingornussassaattut allattuiffianut ilaatinneqalernissaa Kujataani nunaminertat toqqakkat sisamat allat peqatigitillugit. Tamatumaa nassatarissavaa qanganitsanut eqqaassutissat ukkanneqarnerulernissaat, taamaalillunilu taakku allangutsaaliorneqarnissaat ersarinnerulersinneqarnissaallu qulakkeerneqassammat. UNESCO-mut toqqagassatut paasissutissarsiornermut atatillugu ingerlatsinissamut pilersaarut suliarineqarpoq. ( [forvaltningsplan kujataa engelsk 04032016.pdf](#) (1.1 MB))

Aammattaq Otto Frederiksenip illua B-316 kiisalu savat inaat eqqaaniittut 2015-imi eqqissisimatitassatut nalilerneqarsimapput. Aammattaq naatsorsuutigineqarpoq illu taanna UNESCO-mut tunngatillugu paasissutissiisarfittut/saqqummersitsivittut atorneqarnissaa.

Qassiarsummi oqaluffik nutaaq kommunip pilersaarutaani eriagisassatut nalilerneqarsimavoq, pequtigalugu nunaqarfimmi illuliat akornanni malunnarluarpaanut kusanarnerpaanullu ilaammat.

Angallannikkut pissutsit

Qassiarsuk pitsaaluartunik mikisunik angisuunillu ujaraaqqanik qallikkanik aqqusineqarpoq, taakkulu atorneqartarput nunaqarfiup avataani savaateqarnermik inuussutissarsiuuteqarnermut kiisalu nalinginnaasumik nunaqarfimmi aqqusinertut. Aqquserngit ujaraaqqanik qalligaapput, ilaatigut kommunimit ilaatigullu savaatilinnit suliarineqarsimasut. Aqquserngit isorartusarneqartarput.

Talittarfik nunniugaq 6 meterinik takitigaaq 1976-imi sananeqarsimalluni. Nunaqarfimmiunit talittarfiup 6-9 meterinik takitigsumik tallineqarnissaa kissaatigineqarpoq, taamaalilluni anorsarilluartillugu oqqiffissaqqinnerulissammat. Aammattaq puttasumik talittarfeqarpoq.

[Una tooruk takuniarlugit teknikkikkut sanaartukkat aamma Illut Sulliviit](#)

Avatangiisit pilersuinerlu

Nunaqarfimmi pisortatigoortumik eqqakkanut kuuffeqanngilaq. Eqakkat eqqarneqartarput nunaqarfimmi ikualaavimmi ikualagassanngorlugit.

1988-imi Qassiarsummi innaallagissiorfiliortoqarpoq 2009-milu nutarterneqarluni. Pilersaarutigineqarporli imermik nukissiorfeeqqap pilerseqqinneqarnissaa, qangaanerusoq nunaqarfimmi innaallagissamik pilersuinermut ilapittuutaasimasoq. Illut tamangajammik innaallagissamut aqquserneqarsimapput.

Erngup pitsaassusissaanik piumasaqaatit naammassiniarlugit imeqarfik 2017-imi annertujaamik nutarsarneqassaaq, tamatumalu saniatigut Nukissiorfiit misissuilersimapput, suminngaaniit pitsaanerusumik imermik milluaaveqarsinnaanersoq paasiniarlugu imeqarfimmut pilersuisussamik, siallerumaartaartillugu imeqarfimmut imermik naammattumik pilersuiminaattarmat. Erngup aqqutaa tamakkiisumik annertusarneqarsimavoq.

Qassiarsummi ineriartornissamut periusissaq

Narsaatit uumasuusivillu allineqarnissaannut tunngatillugu kiisalu inuussutissanit tunisassiat suliareqqinneqartarnissaannut periarfissanut atatillugu savaateqarnerup nunalerinerullu iluani sulii ineriartornissamut annertuumik periarfissaqarnera takuneqarsinnaavoq.

Qassiarsuup takussaasunik qanganitsanut eqqaassutissarpasui Narsarsuup mittarfeqarfiata qanittuani angallannermi qitiusumik inissisimanerata aamma nassatarivaa takornariaqarnermik inuussutissarsiornerup periarfissagissaarnera. Tamaani annertuunik suliniutissat ilagaat nunaqarfiup UNESCO-p nunarsuarmiut kingornussaanut ilaatinneqalernissaa, tassungalu atatillugu nunaqarfimmi takornarianut atugassarititaasut pitsanngorsarneqarnissaat.

Qassiarsuk inissianut, inuussutissarsiorfinnut aamma sunngiffimmi susassaarfinnut ineriartortitsinissamut pitsaasunik periarfissaqarluarpoq. Kommunimut pilersaarummut siunnersuummi matumani piffissami pilersaarusiortiusumi inissialiornissamut inuussutissarsiuinillu annertusaanissamut nunaminertat naammattut toqqarneqarsimapput.

Ataatsimut aalajangersakkat

Kommunimut pilersaarusiap immikkoortuani matumani "ataatsimut aalajangersakkat" qassiit suliarineqarsimapput, taakkulu Kommune Kujallermut tamarmut atuuttuupput taamaammallu "immikkoortortanut ataasiakkaanut aalajangersakkani" saqqummiuteqqinneqaratik. Ataatsimut aalajangersakkat kommunalbestyrelsip pilersaaruserneranut nunaminertanillu atuinermik aqutsinermut pituttuisuupput.

1. Aqquserngit

- A. Illoqarfinni asimilu aqquserngit pioreersut sananeqarumaartussallu eqqaanni aqquserngup qeqqaniit 7,5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- B. Illoqarfinni aqquserngit minnerusut nunaqarfinnilu aqquserngit eqqaanni aqquserngup qeqqaniit 5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- C. Kommunimut pilersaarummi aalajangersakkani sukumiinerusuni a. aamma b.-mi taaneqartuniit ungasinnerusumi sanaartornermut killiliussanik tamatigut aalajangersaasoqarsinnaavoq.

2. Biilit unittarfii

Nutaanik inissialiornermi, sullissiviliornermi (soorlu pisortat sullissiveqarfinni allanillu) aammalu inuussutissarsiorfiliornermi naammattunik biilinut unittarfiliortoqartassaaq. Kommunimut pilersaarummi sukumiisumik aalajangersakkatigut allanik aalajangersaasoqarsimatinnagu (illoqarfiup ilaanut pilersaarutini allanilu) makku minnerpaamik piumasaqaataasarpud.

- A. Ilaqutariinnut illuliani arlalinni inissianut marlunnut unittarfik ataaseq, aammalu
- B. Sullissiveqarfinni inuussutissarsiorfinnilu qulerilinnut 50 m²-mut unittarfik ataaseq
- C. Allanut immikkut ittumik atorneqartussanut pisariaqartitsineq naliliivigineqartassaaq

Biilit unittarfii nunaminertamik atugassanngortitsinermi allassimasassappud.

3. Nunaminertat atorneqanngitsut

Sumiiffiit ilaannut aalajangersakkani nunaminertat atorneqanngitsutut aalajangerneqareersimasut saniatigut nunaminertat siunertanut allanut atugassanngortinneqarsimanngitsut nunaminertat atorneqanngitsutut aqunneqassappud. Nunaminertat atorneqanngitsut atortulersuiffigineqassanngillat, toqqorsiviunatik torersuutinneqassallutillu.


4. Pinnguartarfiit

Arfinilinnit amerlanerusunik inissialtalinnik inissialortoqartillugu meeqqanut pinnguartarfiiltoqartassaaq.


5. Innarluutilinnit tikinneqarsinnaaneri

Aqquserngit, pisuinnaat aqquataat, illutat atortoqarfiillu allat kikkunnilluunniit orninneqarsinnaasut sananeqartillugit innarluutilinnit tikinneqarsinnaanissaat anguniarneqartassaaq.


6. Illut eqqissisitat

Illut atortoqarfiillu eqqissisitat (suussusii 1) Nunatta Katersugaasivia Toqqorsivialu akuersisimatinnagu piiarneqassanngillat, allanngortiterneqassanatik allatulluunniit allanngortinneqassanatik. Illut eqqissisitat allassimapput [uani](#).  [Fredede og bevaringsvaerdige huse.pdf](#) (93.4 KB)

7. Illut eqqissittarisassat

Illut atortoqarfiillu eqqissittarisassat (suussusii 2) kommunalbestyrelsi akuersisimatinnagu piiarneqassanngillat, allanngortiterneqassanatik silatimikkulluunniit allanngortinneqassanatik. Nunatta Katersugaasivia Toqqorsivialu oqaaseqaateqartinneqartassapput. Ullut taakku eqqissisinneqarsinnaanerit siunertaralugu kommunalbestyrelsi naliliisassaaq. Illut eqqissittarisassat allassimapput [uani](#).  [Fredede og bevaringsvaerdige huse.pdf](#) (93.4 KB)

8. Illut eriagissassat

Illut atortoqarfiillu eriagissassat (suussusii 3) sapinngisamik allanngutsaaliorneqassapput allannguutissatullu qinnuteqaatigineqartunut kommunalbestyrelsi piumasaqaateqarsinnaavoq illup eriagisariaqassutsi pigiinnarniassammagu. Illut eriagissassat allassimapput [uani](#).  [Fredede og bevaringsvaerdige huse.pdf](#) (93.4 KB)

9. Illut peerneqariaannaat

Illu ima ajortissimatigiguni allanut navianartorsiortitsisinnaalluni, imalunniit qimanneqarsimaguni aammalu nunaminertamik atugassanngortitsinermit siunertaasutut atorneqarunnaarsimaguni inatsisinut naapertuuttunngortinneqassaaq (iluarsarneqarluni/atorneqalerluni imaluunniit ingutserneqarluni).

10. Illoqarfinni nunaqarfinnilu pilersuiviit

Tamatumunnga periarfissaqarnera oqaatigineqarsimappat ajornanngippallu nutaamik sanaartorfiit innaallagissamut, imermut kuuffinnullu kikkunnit tamanit atugassianut aqquuserneqarnissaat qularnaarneqassaaq.

Kuuffinnut kikkunnut tamanut atugassianut attavilernissaq ajornarpat imermik errortuutikumik anartarfinneersunillu eqterivissamik tankiliortoqarnissaa imaluunniit avatangiisit pillugit aalajangersakkat qaqugukkulluunniit atuuttut aammalu errortuutikup anartarfiillu imarneqartarneri pillugit malittarisassat naapertorlugit erngup igitassap suliarineqarnissaannik Kommunalbestyrelsi piumasaqaateqarsinnaavoq.

Imeq nunap qaatigoortoq, aamma qalianeersoq, eqqakkanut kuuffinnut tamanit atugassianut ingerlatinneqartassanngilaq, kisiannili eqqaamiorisat illuinut, aqqusinernut, pisuinnaat aqquataannut aammalu illuliorfiusimanningsunut akornutaasussaajunnaarlugu ingerlaartinneqartassalluni.

Erngup, innaallagissap kuuffiillu aqquataat, tv-kabelit assigisaallu ajornartinnagu nunap iluatigoortinneqartassapput.

Pissutsit immikkut ittut pissutigalugit pisariaqalinngippat pilersuinermit aqquutit qarsullugit sanaartortoqassanngilaq qajanaaqquersuisoqassaniluunniit.

11. Asimi pilersuinermit atortorissaarutit

Eqqagassat imerpalsuunngitsut asimi sanaartornermeersut piginnittumit ikuallanneqanngikkunik aallarunneqassapput. Ikuallanneqarnerat illulianut pinngortitamulluunniit eqqaaniittumut navianartorsiortitsissanngilaq imaluunniit allanut akornutaassanani.

Arnartarfinnut anartarfiit spandii/puusiat, imaanut kuineqartussat, assaanneqartussat, asiutinneqartussat allatulluunniit allanut akornutaanngitsumik avatangiisinullu ajoqutaanngitsumik iginneqarsinnaasut atorneqassapput.

Illut pioreersut kuiasakkanik anartarfillit eqqarsaatigalugit piginnittup imeq atornikoq allanut avatangiisinullu ajoqutaanngitsumik igittassavaa.

Innaallagissiutunik atuineq sapinngisamik allanut ajoqutaannginnerpaamik pisassaaq. Asimi illuni atugassanik nukissiorneq seqinermit nukiusutit pinngortitamiillu nukissiutit allat atorlugit pisassasoq kaammattuutigineqarpoq.

12. Containerit

Containerit ineqarfiusuni (A) aammalu qitiusoqarfinni (C) ataavartumik inissisimatinneqarnissaat akuerineqanngilaq. Containerit qalliutaannut, qalipaataannut atorneqartarnerannut kiisalu inissinneqarfigisaminni tulluarsarneqarnissaannut piumasaqaateqarsimatillugu immikkut ittunik akuersissuteqartoqarsinnaavoq.

13. Angallatinik inissiineq

Ukiuunerani angallatinik inissiinermut akuersissuteqartoqarsinnaavoq angallammik piginnittup illutaata eqqaanut (piginneqatigiiffiuppat attartortittagaappalliuunniit piginneqatigiit / piginnittut akuersineratigut), suliffeqarfiup angallataatillup attuumassuteqarfigisaata eqqaanut imaluunniit kommunip angallatinik inissiivissatut immikkoortitaanut.

305-A1



Killiffik
Akuersisaq

Immikkoortortaq
Nunaannaq

Sumiiffik - illoqarfik / nunaqarfik

Qassiarsuk

Siunertaq

Ineqarnermut tunngasut

Atorneqarnissaa

Ineqarfik - Ammasut pukkitsut. Nunaqarfiup ilaa tamanna siunissami ineqarfinnik ataatsimoorlunilu atugassanik sanaartorfissatut naatsorsuusaaneruvoq.

Pissutsit atuuttut

Tamaaniipput ineqarfiit, neriniartarfik, atuarfik aammalu atuartut angerlarsimaffiat il.il.. Ineqarfiit tassaanerupput illut ataasiakkaat qaliaqanngitsut qaliallillu.

Aammattaaq nunaqarfiup qulimiguulinnut mittarfia tamaaniippoq.

Inissaq sinneruttoq

Tamanna 18 ha missaannik annertussuseqarpoq ha-mut ataatsimut qulinik ineqarfiliorfiusinnaalluni.

Angerlarsimaffinnut 20-nut suli inissaqarpoq.

Sanaartorfik

Nunaqarfiup ilaa tamanna annermik illunut qalialinnut timersortarfeeqqamullu naatsorsuusaavoq.

Sanaartukkat nutaat tamaannga aalajangersakkani sukumiinerusuni sanaartorfissatut immikkoortitat iluini sananeqassapput. Sanaartukkat nutaat ilusilersugaanermikkut, sananeqaatimikkut qalipaasersugaanermikkullu sanaartukkanut pioreersunut naleqqussarneqassapput.

Nunaminertat sanaartorfiunngitsut

Nunaminertat atorneqanngitsut kommunalbestyrelsip akuersineratigut naatitsinnermut atorneqarsinnaapput. Nunaminertat sinneruttut pissutsimissut itsiinnarneqassapput. Teknikkeqarfik akuersisimatinnagu nunaqarfiup ilaa tamanna atortussanik atortorissaarutinillu ilioqqaavigineqassanngilaq.

Attavilikkat

Illut nutaat ajornanngippat innaallagissamut imermullu atassuserneqassapput.

Immikkut aalajangersaaffigisat

Isumannaallisaavik S2.

Sanaartukkanik pioreersunik avatangiisiannillu allanngutsaaliuineq

Sumiiffik nalunaarummi allatigut kulturikkut eriajisassat pillugit Namminersorlutik [Oqartussat nalunaarutaat nr. 16, 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akkerliussanngillat.


Illut eqqissisimatinneqartussat: B-313 savaasivia, B-314 savaasaasivia, B-316 Otto Frederiksenip illua.

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut eriajisassanngortitat taakkulu eqqaanni isumannaallisaaviit pillugit allaaserisat sukumiinerusut innersuussutigineqarput.

Avatangiisitigut mianerisassat

Qanganitsanik nassaasaqarnera pissutigalugu immikkut mianerisassaavoq.

305-B1



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Inuutissarsiuteqarfiit umiarsualiveqarfillu

Atorneqarnissaa

Inuussutissarsiutinik ingerlatsivik - Inuussutissarsiutit assigiinngitsut. Nunaqarfiup ilaa tamanna inuussutissarsiorfissatut naatsorsuusaaneruvoq, pingaartumik savaateqarnermi atugassanik sanaartorfissatut. Aamma nuna tamanna naatitsivittut imaluunniit allannortitassaangitsutut atorneqarsinnaavoq.

Pissutsit atuuttut

Nunaqarfiup ilaa tamanna annermik ungalullugu naatitsivissatut savaateqarfimmi atugaavoq.

Inissaq sinneruttoq

Nunaqarfiup ilaa tamanna 118 ha missaannik annertussuseqarpoq.

Sanaartorfik

Aalajangersakkani sukumiinerusuni tamaanga atuuttuni maleruagassat naapertorlugit sanaartukkat nutaat suliarineqassapput. Sanaartukkat nutaat sanaartukkanut pioreersunut naleqqussarneqassapput. Immikkoortup C4-ip eqqaani 20 meterit iluini sanaartortoqassanngilaq.

Nunaminertat sanaartorfiunngitsut

Akuersisoqarsimatinnagu nunamut ilioqqaasoqartassanngilaq.

Sanaartukkanik pioreersunik avatangiisiannillu allanngutsaaliuineq

Nunaqarfiup ilaa tamanna oqaluttuarisaanikkut soqutiginaatilinnik qanganitsanik nassaasaqarfiusinnaavoq. Taamaammat qanganitsat tamakku qallerlugit sanaffigineqaqqunagit nalunaarsorneqassapput nunallu assinganut nalunaarsorneqassallutik.

Sumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16, 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akkerliussanngillat.

Avatangiisitigut mianerisassat

Qanganitsanik nassaasaqarnera pissutigalugu immikkut mianerisassaavoq.

305-C1

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Siunertanut ataatsimoorussanut tunngasut

Atorneqarnissaa

Ataatsimoorussanut atugassiaq - annermik niuertarfinnut. Nunaqarfiup ilaani tamaani ullumikkut KNI-p niuertarfia kiisalu tankeqarfik gassinillu toqqorsivik ipput.

Pissutsit atuuttut

Ullumikkut tassaniipput KNI-p niuertarfia aammalu tankeqarfik gassinillu toqqorsivik.

Inissaq sinneruttoq

Nunaqarfiup ilaa tamanna 1,0 ha missaannik annertussuseqarpoq.

Sanaartorfik

Tassani atorneqanngits qarpoq niuertarfiup atortorissaaruteqarfiillu tassunga atasut alliffissaattut naatsorsuutigineqartumik.

Nunaminertat sanaartorfiunngitsut

Nunaqarfiup ilaa tamanna atortussanik atortorissaarutinillu ilioqqaavittut akuerineqarsimatinnani atorneqarsinnaanngilaq.

Attavilikkat

Illut nutaat sapinngisamik innaallagissamut imermullu atassuserneqassapput.

Immikkut aalajangersaaffigisat

Tankeqarfiit annerit tamarmik 50 meterinik avaqqullugit isumannaallisaaviupput. Taassuma iluani sanaartortoqassanngilaq.

Sanaartukkanik pioreersunik avatangiisiannillu allanngutsaaliuineq

Sumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16. 5. juuli 2016-imeersumi ilaavoq](#), aamma sanaassat nutaat sammisaqartitsinerillu malittarisassanut akerliussanngillat.

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut eriagisassanngortitat taakkulu eqqaanni isumannaallisaaviit pillugit allaaserisat sukumiinerusut innersuussutigineqarput.

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Sanaartorfissaanngitsoq sunngiffimmullu tunngasut

Atorneqarnissaa

Atorneqanngitsoq - Erngup imeqarfimmut ingerlaarfia

Pissutsit atuuttut

Nunaqarfiup ilaa tamanna erngup imeqarfimmut ingerlaarfigimmagu sumilluunniit sanaartorfineqassanngilaq.

Inissaq sinneruttoq

Nuna tamanna 3,2 ha missaannik annertussuseqarpoq.

Sanaartorfik

Oqaasissaqartoqanngilaq.

Nunaminertat sanaartorfiunngitsut

Nuna tamanna atortussanik atortorissaarutinillu ilioqqaavittut atorneqassanngilaq.

Sanaartukkanik pioreersunik avatangiisiannillu allanngutsaaliuineq

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut erigisassanngortitat taakkulu eqqaanni isumannaallisaaviit pillugit allaaserisat sukumiinerusut innersuussutigineqarput.

305-D2

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Sanaartorfissaanngitsaq sunngiffimmullu tunngasut

Atorneqarnissaa

Atorneqartussaannngitsaq - Qallunaatsiaqarfikoq.
Nunaqarfiup ilaa tamanna immikkut eriagisassatut toqqagaavoq

Pissutsit atuuttut

.....

Inissaq sinneruttoq

Nunaqarfiup ilaa tamanna 3 ha missaannik annertussuseqarpoq.

Sanaartorfik

.....

Nunaminertat sanaartorfiunngitsut

Nunaminertat atorneqanngitsut kommunalbestyrelsip akuersineratigut naatitsinermut atorneqarsinnaapput. Nunaminertat sinneruttut pissutsimissut itsiinnaqassapput. Teknikkeqarfik akuersimatinnagu nunaqarfiup ilaa tamanna atortussanik atortorissaarutinillu ilioqqaavigineqassanngilaq.

Attavilikkat

Illut nutaat ajornanngippat innaallagissamut imermullu atassuserneqassapput. Aqqusineqqat ingerlaarfissaannik aalajangersaasoqassaaq, taakkulu ingerlaarfii suliarineqarnerilu eqqarsaatigalugit nunap pissusereriigaanut naleqqussarneqassapput.

Sanaartukkanik pioreersunik avatangiisiannillu allanngutsaaliuineq


Sumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16. 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akerliussanngillat.

Aqqissugaanermi pingaarnermi Kulturimut kingornutassiat ataanni nunaminertat UNESCO-kkut eriagisassanngortitat taakkulu eqqaanni isumannaallisaaviit pillugit allaaserisat sukumiinerusut innersuusutigineqarput.

Avatangiisitigut mianerisassat

Nunaqarfiup ilaa tamanna mianerineqassaaq erngup imeqarfimmut kuuttup ingerlaarfianut ilaammat.

305-D3 Thorhildes Kirke

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Sanaartorfissaanngitsoq sunngiffimmullu tunngasut

Atorneqarnissaa

Atorneqanngitsoq.
Nunaqarfiup ilaa amanna immikkut eriagisarialittut isigineqarpoq.

Pissutsit atuuttut

.....

Inissaq sinneruttoq

Nunaqarfiup ilaa tamanna 1 ha missaannik annertussuseqarpoq.

Sanaartorfik

.....

Nunaminertat sanaartorfiunngitsut

Nunaminertat atorneqanngitsut allanngortinneqassanngillat. Nunaqarfiup ilaa tamanna teknikkeqarfik akuersiseqqaartinnagu atortussanik atortorissaarutinillulioqqaavineqassanngilaq.


Attavilikkat

Illut nutaat ajornanngippat innaallagissamut imermullu atassuserneqassapput. Aqqusineeqqat, ingerlaarfimmikkut sananeqarnermikkullu tamaani nunamut naleqqussarneqarsimasut sukkoornissaannik aalajangersaasoqassaaq.

Sanaartukkanik pioreersunik avatangiisiannillu allanngutsaaliuineq

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut eriagisassanngortitat taakkulu eqqaanni isumannaallisaaviit pillugit allaaserisat sukumiinerusut innersuusutigineqarput.

305-D4 Kirkegården

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Sanaartorfissaanngitsoq sunngiffimmullu tunngasut

Atorneqarnissaa

Atorneqanngitsoq - iliveqarfik

Pissutsit atuuttut

Tamaaniippoq iliveqarfik.

Inissaq sinneruttoq

Nunaqarfiup ilaa tamanna 0,4 ha missaannik annertussuseqarpoq.

Sanaartorfik

Nunaqarfiup ilaa tamanna sanaartorfigeqqinneqassanngilaq.

Nunaminertat sanaartorfiunngitsut


Nunaqarfiup ilaa tamanna allanngortinneqassanngilaq.

Sanaartukkanik pioreersunik avatangiisiannillu allanngutsaaliuineq

Sumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16, 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akerliussanngillat.

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut eriagisassanngortitat taakkulu eqqaanni isumannaallisaaviit pillugit allaaserisat sukumiinerusut innersuussutigineqarput.

305-E1 Elværket

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Teknikkikkut atortorissaaruteqarfik

Atorneqarnissaa

Immikkut atugassiaq - teknikkimut atortut

Pissutsit atuuttut

Nunaqarfiup ilaa tamanna innaallagissiorfimmuut aammalu sulianut tassunga atasunut taamaallaat atugassiaavoq.

Inissaq sinneruttoq

0,3 ha.

Sanaartorfik

Innaallagissiorfiup alliffissaa nunaqarfimmuut atugassanngortitaq atorneqanngilaq.

Nunaminertat sanaartorfiunngitsut

Innaallagissiorfimmuut attuumassuteqartut saniatigut nunaminertat atorneqanngitsut akuersisoqarsimatinnagu ilioqqaavittut atorneqassanngillat.

Immikkut aalajangersaaffigisat

Innaallagissiorfiup tankeqarfia 20 meterinik avaqqullugu isumannaallisaaviuvoq sanaartorfigineqassananilu.

Sanaartukkanik pioreersunik avatangiisiannillu allanngutsaaliuineqSumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16, 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akertiussanngillat.**Immikkut aalajangersakkat**

Innaallagissiorfiup tankeqarfia 20 meterinik avaqqullugu isumannaallisaaviuvoq sanaartorfigineqassananilu.

305-E2 Forbrændingsanlæg

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Qassiarsuk

Siunertaq

Teknikkikkut atortorissaaruteqarfik

Atorneqarnissaa

Immikkut atugassiaq - teknik. Nunaqarfiup ilaa tamanna ikuallaavimmut sulianullu tassunga attuumassuteqartunut taamaallaat atugassiaavoq.

Pissutsit atuuttut

Tamaaniippoq nunaqarfiup ikuallaavia.

Inissaq sinneruttoq

0,4 ha.

Sanaartorfik

Illunik nutaanik aatsaat sanasoqarsinnaavoq taakku ikuallaavimmut attuumassuteqarpata.

Nunaminertat sanaartorfiunngitsut

Ikuallaavimmut attuumassuteqartut saniatigut nunaminertat atorneqanngitsut akuersisoqarsimatinnagu ilioqqaavittut atorneqassanngillat.

Sanaartukkanik pioreersunik avatangiisiannillu allanngutsaaliuineqSumiiffik nalunaarummi allatigut kulturikkut eriagisassat pillugit Namminersorlutik [Oqartussat nalunaarutaat nr. 16, 5. juuli 2016-imeersumi ilaavog](#), aamma sanaassat nutaat sammisaqartitsinerillu malittarisassanut akertiussanngillat.

Aaqqissugaanermi pingaarnermi Kulturimut kingornutassiat ataanni nunaminertat UNESCO-kkut eriagisassanngortitat taakkulu eqqaanni isumannaallisaaviit pillugit allaaserisat sukumiinerusut innersuussutigineqarput.